

اِسْتِغْنَا

نومبر ۲۱

بجانبہ

۵ شباط ۱۳۲۴

استناد ایدرک مجلس عمومیلرند عناصر مختلفه اجتماعیه ویرلهسی لازم کلن
حصه اشتراک مقیاس صحیحی بولمغه موفق اولورل!

صوک

معاهداتمز

۱۶

دولت عثمانیه — فرانسه

۲۵ حزران ۱۸۰۲ معاهدهسی

بدنجی و صوکنجی قایدولاسیونسک تاریخ عقدی اولان ۱۷۴۰ سنه
میلادیه سندن ۱۸۰۲ یه قدر فرانسه ایله معاهده من بوقدر .

۱۸۰۲ معاهده سنک نه کبی وقوعات نتیجه سنده حصوله کلدیکی اکلاشلق
ایچون تفصیلات آتیه یه لزوم کورلمشدر .

فرانسزلر دعوای انانیتی مفرط درجه لره و مملکتی ضعف و انحطاطه سوق
ایدن قرالار ، لونی لر ، علینه قیام ایتملریله « اختلال کبیر » نامیله مشهور اولان
وقوعات و تبدلات عظیمه ظهور ایدنجه اوروپانک سائر حکومتلری اختلالک
کندی مملکتلرینه سرایتی خوفیه فرانسه علینه اتفاق و محاربه یه تصدی ایلمشلردی .
قوه اجرائیه نك ریاستنده عالیه حکمداران اعضا سندن بر آدم وارکن بویله بر محاربه یه
کیریشمک غیر معقول و نتیجه ده کارلی چیقماق احتمالن بعید اولدینی ایچون
ملت اون آلتنجی یی خلع ایشم (۱۰ آغستوس ۱۷۹۲) و فرانسه نك اداره سی
قرالک لندن قورتاران « ملت مجلسی » نك تشکیل ایلدیکی مجلس قوانین بوکامساعد
بولمش ایدی . مجلس قوانینی استخلاف ایدن « قونوانسیون » ، که اول بول اعلان

« مستنسا اولدیغی حالد ولایت شهرلری مثلاً یورق ، یالکیز دکانجیلرله مسکوندر .
« اهالی نك طبقه علیایی . رؤسای بشقه یرده ، کویلرده او طورورلر . لوندره بیله آلتنج
« رؤیت مصالح ایچون بر بیوک محل تلاقیدن بشقه بر شی دکادر » صحیفه ۱۹۰ .

جمهوریت ایتشدی، قرالک اهانتلرینی اورطیه قویه رق اعدامنه حکم ایتدی
(۲۱ کانون ثانی ۱۷۹۳).

قونوانسیون خارجی دشمنلرک تجاوزانه قارشو منتظم اردولر ترتیب وسوق
ایتدی. قونوانسیون دخی قوانین اساسیه تنظیم و بونلرک احکامنه توفیقاً مبعوثان
واعیان مجلسلری ایچون اعضا انتخاباتی اجرا ایلدکن صوکره اختیار تعطیل
ایدرک برینه «دیرکتوار» قائم اولدی. دیرکتوار ذکر اولنان مجلسلر طرفندن
منتخب بش «دیرکتور» یعنی قوه اجراییه اعضاسنک حکومتی درکه ۱۷۹۵
سنه سی تشرین اولنک یکریمی دیسندن ۱۷۹۹ سنه سی تشرین ثانیسنک اوننه قدر
درت بیل دوام ایتشدی. دیرکتوار ایلک ایکی سنه سنده اجراءات داخلیه جه
موفق اولدینی کی خارجده مظفریانه نائل اولدی. آلمانیده فرانسلر دشمنلرینه
غالیلت قطعیه ایله غلبه ایلدیلر. دیرکتوارک پارس قوماندانلغندن آلپ اردوسنه
تعین ایتدیکی جنرال ناپولئون بوناپارت پیهمونی آلدی. اوزرینه سوق ایدیلان
آوستریا اردولرینی پریشان ایتدی، ویانه اوزرینه یورودی و مقدماتی «لون» ده
تعین اولنان «قامپو فورميو» معاهده صلحیه سی امضا ایلدی. بو معاهده نك
صدمزه تعلق ایدن باشلوجه احکامی بلجیقا قطعیه سیله «رن» نه ری ساحل
یسارینک فرانسیه ترکی و قورفو ایله جزائر سبعه یونانیده فرانسه نك متصرف
اوله جفنك تصدیق در.

«قامپو فورميو» دن عودت ایدن ایتالیا قهرمانی پارس اهالیسی مطمئن
آلایلرله قارشیلادی. ناپولئونك اکتساب ایلدیکی شهرت و نفوذ فوق العاده دن
ناشی تحکم و تغلب ایده بیلمسی احتمالی درپیش ایدرک اندیشناك اولان دیرکتوار،
جنرالی برایشه طوتوشدیره رق پارسدن تبعید ایتک ایتدی. بالذات ناپولئون، مصر سفرینی
تکلیف و حکومت ده بونی قبول ایلدی. اوزمان انکلتزه حکومتی فرانسه نك اکیوک
دشمنی ایدی. انکلتزه اکیوک ضربه تجارتی سکتهدار ایتک اوله جنی و مصر
ضبط اولنورسه هندستانك اغختاری اله کچمش بولنه جنی ملاحظه لرینه بناء
اوتوز بیک عسکر دن بشقه مهندسلری، علمایی، صنایع نفیسه اربانی حامل

اولان بئوك بر دوئما ۱۷۹۸ سنه سنی مایسك ارن طقوزنده طولون لیمانسندن حرکت و انسانی راهده مالطه یه اوغرایوب اوراسنی شوالیه لردن آلدقن صوكره تموزك برنجی كونی اسکندریه یه مواصلت ایلدی. بر حله ده شهری ضبط ایستدی. قاهره یه قوشدی. یولده و امرام قربنده كولن سواریلرینی بریشان ایستدی و بو وجه ایله مصرده یرلشدی. یونایارت بر طرفدن سوریه، فرات وادیسی و فارس طریقله هندستانه ایتمکی دوشونیور، اجرات فوق العاده ایله برقات ده اشتهار ایتمک و بو سایه ده رأس حکومت کچمکی ارزو اییدیوردی. دیگر طرفدن اهالیسنی کندوسنه ایصنیردینی مصرک اعمار و اقبالنه جالیشیوردی. - مصره فرانسر عسکرینی کتیرن دوئما وجهه عزیمتی معلوم اولمیدینی حالد بقت یوله چیقمش اولدینی جهتله انکلیز کیلرینه تصادف ایتمکسزین سواحل مصریه یه واره بیلیمشدی. وقعه دن انکلتزه خبردار اولنجه آمیرال «نلسون» که امری آلتنده کی دوئما فرانسلری «ابوقیر» ده باصدی. انکلیز دوئماسنک بر قسمی انکین جهتنده دیگر قسمی ده ساحل ایله فرانسر دوئماسی اره سنده بولندیغدن فرانسه کیلری ایکی آتش اره سنده قلوب دوچار اضمحلال اولدیلر. فرانسر آمیرالی تلف اولدی. متعاقباً ۱۲۰ طوبلی «شرق» اسمنده کی سفینه نك قوماندانی کیسیله برابر محو اولدی. انکلتزه دوئماسی دخی خسارات عظیمه یه اوغرایدی ایسه ده فرانسلری هزیمت قطیه ایله منهزم ایلمش اولدی.

یونایارت مصرده قیسایوب قالدیغنی کورنجه قاهره ده ظهور ایدن عصبانی بعدالتسکین سویش اوزرندن سوریه یه کچدی. عکائی محاصره ایلدی، فقط ضبطنه موفق اوله مدقندن بشقه خسته لقدن و مشاق سفریه دن طولانی ذاتاً ضعیف دوشمش، سیرکشمش اولان اردوسنه ضایعات مهمه ویردیرمش اولدی. عکادن وایلرویه کیتمکدن امیدى منقطع اولنجه بقیه عسکریه مصره دوندی. مصرده یونایارتك غیابندن یالاستفاده علیه نه قیام حاضر لاقمده ایدی. جزال «ده زه» مصر علیانك فتحنی اتمام ایتشیدی. ناپولیون متفقرمز اولان انکلیزلرك کیلریله «ابوقیر» موقعه چیقاریلان عسکر مزه غلبه ایستدی. فقط ارتق مصرده برنوع

محسوریت جالنده قالمقدن صیقلمش و فرانسه‌نك احوالی ایسه حکومتی‌اله یکیرمك خصوصنده کی امللرینی تقویت ویره جك برنك الماش اولدیغندن . مصره جزال «قله‌بر»ی بر اقوب کندیمی «ابوقیر» محاربه‌سنده قاجه‌یلدش اولان فرانسه کیلرندن برینه را کبا و خفیا فرانسه‌یه کیتدی .

مصرک فرانسه طرفندن استیلاسی خبری استانبوله کلدیکی زمان فرانسه علیه‌نک انکلترة و روسیه ایله اتفاق ایتمشیدك . استانبوله کن روس دوغمالی بزم دوغتمازله بالاشترک آق دکره چیقوب ذکرى سبقت ایدن قامپو فورمیو معاهده‌سیله فرانسه‌یه انتقال ایتدیریلن جزائر سبعه ایله پروژه و پارغه التمش اولدینی کبی ۱۲۱۴ (۱۷۹۹) ده صدراعظم یوسف ضیا پاشا عسکرله مصرک استردادینه کیتمشیدی . جزال قله‌بر دخی مصرده تمدید اقامت ایتمکده فائده کورمیدیکندن مصرده کی فرانسلرک شان و شرف عسکرلرینی بالمحافظه انکلز کیمیرله فرانسه‌یه نقل اولملری شرط و وعیدینه قارشو تخلیه قرارلشدیرلدی . لکن بوبولده مذاکرات صلحیه کیریشن انکلز آمبرالی «سیدنه‌ی سمیت»ک بلا اذن عقد ایتدیکى مقاوله‌نك شرائطنی انکلترة حکومتی قبول ایتیب فرانسلرک اسیر حرب عدولنشی ایچون امر و تعلیمات کوندرمش اولدیغندن جزال قله‌بر بوکا حدت ایتدی ، احتیاطسز و متفرق بولان اردومزه بردن هجوم ایله انی قاهره قریبنده پریشان ایتدی . صدراعظم یوسف ضیا پاشا بو وقعه مؤسسه اوزرینه شامه رجعت ایلدی . مصر ینه فرانسلرک النده قالدی . نهایت حلب اهالیسندن فداکار بردلیقانی جزال قله‌بری اتلاف ایتیمی اوزرینه برینه کچن قوماندان مقتولک مزیتاتی حاز اولمیدیغندن قره‌دن و دکرذن اجرا ایلدیکمز تضییقات بودفعه مشمر اولدی : جزال «منو» مصری ترک و تخلیه ایدرک بقیه عساکرله مملکته عودت ایتدی .

مصر استیلاسی فرانسه ایله مناسب‌اتمزی اهل صلیب محارباتی ائسانسنده کی وخامته ارجاع ایتمشیدی . مارسلیا تجارتی یوزده اوتوزالتی وپارس ، لیون ، بوردو و سائر محللرک تجارتلری دخی یوزده التمش بش نقصانه اوغرامشیدی . دوغنامز متفقلمزک دوغتماسیله آق دکرده مهادیا کشت‌گذار و تفتیشات اجرا

ایلدیکندن راست کلدکری فرانسه سفان تجاریه سی تخریب ویا محایدر اولمشلی.
 سفر و تجارتیه موفق اولایلان قبودانلرده طائفه لرینی بسلمیه ییلمک ایچون
 حوله لرینک بر قسمی صاتمغه مجبور اولورلردی. کچن مقاله مزده بحث ایلدیکمز
 «قولر» ومارکی دو «ویلنو» ک ثمرات مساعیسی ناپولیونک نتیجه اجرا آتی
 اوله رق محو اولمش ویا استفاده اولتماز برحاله ککش ایدی ناپولئون بوناپارت
 مصر و شام سفر لرینده اقبال و اعتلاسنه بوسیله آرامش و نهایت فرانسه یه عودتسنده
 برنجی قونسولوس عنوانیه زمام اداره بی الله ایتمش اولدیفندن شمعی فرانسه نک
 بنیه تجاریه سی صارصان احوالی تنظیم و ترکیا ایله اعاده مناسبات صلحیه ایجاب
 ایدیوردی. بنه علیه ۱۸۰۲ (۱۲۱۷) سنه میلادی سی حزررانک ۲۵
 نجی کونی سلطان سلم ثالث ایله ناپولیون بوناپارت ازه سنده پارسده بر معاهده عقد
 اولندی که معاهده صلحیه نامیه معروفدر. بونک برنجی ماده سنده «دولت علیه
 و فرانجه جمهوری بیننده دائمی صلح و صلاح کاملاً جاری اولوب بمدازین
 عداوت و خصومت کلیاً مندفع اوله» دینلمشدر. ایکنجی ماده «دولت علیه
 و فرانجه جمهوری بیننده قبل السفر متداول اولوب طرفینک هر درلو روابطی
 تصریح و تأکید ایدن عهد و شروط» ی «تمامها تجدید» ایلر. بوندن بشقه
 ایکنجی و اوچنجی ماده لر وقره دکزده سربستی سیر سفان و تجارتک کیفیتنی ؛
 در دنجی ماده فرانسه ایله انکلتره بینند «آمین» ده منعقد معاهده نک دولت علیه یه
 متعلق موادینک باب عالیجه قبولنی ؛ بشنجی ماده «دولت علیه و فرانجه جمهوری
 بر برینک تمامیت ارضیه سنه دخی تکفل ایدر» اولدقلرینی ؛ اثنجی ماده اموال
 و اشیا ی مضبوطه نک متقابلاً صورت اعاده سی ؛ یدنجی ماده کمرک رسمی ایچون
 نظامات جدیده وضعنه قدر عهد قدیمیه تطبیق حرکات اولنه جفنی ؛ سکزنجی
 ماده تخلیه ناسرای میندر. طقوزنجی ماده دخی بوجه آتی محرردر :

«دولت علیه و فرانجه جمهوری اشبو عهدنامه ایله بری برینک ممالککنده
 احب اولان دولت کبی اولمق مراد ایتلریله دول سازه تجویز اولنان واولنه حق
 منافعی اشبو عهدنامه ده مخصوصاً شرط اولمش کبی بری برلرینه تجویز ایلدکلی

ظاہر اولور . « . اونجی و صوکنجی اولان ماده معاہدہ نک تصدیقندن باخدر .
 کوریلوورکہ بو معاہدہ قایتولاسیون دینلان عہدلدن بالوجوہ فرقلیدر .
 مذاکرہ سنہ رئیس الکتاب محمد سعید غالب افندی مأمور اولمشیدی ، کہ
 مشارالیک بوبابده حسن خدمتی کورلمشدر .

۱۸۰۲ معاہدہ سی فرانسیلہ شرائط و مساعدات متقابلہ اساسی اوررینہ عقدایتدیکمز
 ایلک معاہدہ در .

بومعاہدہ نک اساساً مقصودلہی اولان تقرر صلح حاصل اولمش و بشنچی
 مادہ نک تضمن ایلدیکی معنای اتفاق دخی مرور زمان و تبدل احوال ایلہ
 حکمسز قالب احکام تجاریہ بہ کلنجہ مؤخرأ منعقد اولان معاہدات مخصوصہ
 ایلہ منسوخ بولنش اولسنہ بناءً بعض فرانسیہ رجال سیاسیہ سی اشبو معاہدہ بی
 غیر مرعی عدایدرلر . حالبوکہ بومعاہدہ مجرد اعادۂ صالح ایلہ مصالحہ نک
 تفرعاتی تنظیم و یا متقابلاً نامیت ملکیہ بی تکفل صورتندہ براتفاق ایچون عقد
 اولنش و قید توقیت ایلہ مقید قیلنمش معاہداتدن دکلدر . اکثر موادی بیان
 ایلدکاری احکامک اجرا اولنسیلہ و یا موضوعلرینک مرور زمان ایلہ تبدلاتہ
 دوچار و یا زائل اولسیلہ بوکون حکمدن ساقط اولمش ایسہدہ بشنچی مادہ دن صرف
 نظر طقوزنجی مادہ نک عدم مرعیتہ ہیچ بر سبب مقبول کوستریلہ مز .

حکومت عثمانیہ اشبو مادہ بی استناداً تبعہ سی ایچون فرانسیہ دہ ال زیادہ نائل
 مساعدہ ملت معاملہ سنک تطبیقی آرامقدہ حققلیدر . نہ چارہ کہ دولتمزک شرف
 و حیثیت کندی سوء اداره مزدن طولانی مختل اولدیفندن بو حق مز استحصا
 یولندہ کی تشبہات خندہ استخفافی دعوت ایدہ ایدہ ۱۸۰۲ عہدی قالہ التماز اولدی .
 مع هذا سلیم ثالثک شان و شرفلہ عقد ایتمش اولدینی بومعاہدہ بی بزیالکر منافع مزہ
 موافق اولدینی ایچون دکل فقط بی طرفانہ و حق شناسانہ دوشونیلورسہ مفسوخیتہ
 حکم اولنہ میہ جی ایچون باقی کورورز . بونی فرانسیہ حکومتی دہ رسماً فسخ
 اتمامشدر . حکومت مشروطہ اروپا عندندہ معتبر اولدینی جہتلہ یقیندہ تجدیداً
 عقد اولنہ جغنی امید ایتدیکمز معاہدات تجاریہ و سایرہدہ تبعہ مزہ اورویادہ
 - استشارہ -

مساعد بر موقع عهدهی احراز ایندیریه جگنی امید ایلرز . بوضورتله ۱۸۰۲
معاهده سنه متعلق مدعیات متقابلله اورطه دن قالدیه یلیر . شونی علاوه ایده ییم که
حکومت عثمانیه نك مطمح نظری اك زیاده طقوزنجی ماده در .

بشنجی ماده، که حکمندن اك زیاده مستفید اوله جق زلر ایدك ، وقوعات
مؤخره ایله مرعیتدن قالدیغی آشکاردر . ذاتاً فرانسه ایله برابر اورویا دول
معظمه سنك امضالقلری پارس معاهده سی بيله تامیت ملکیه مزى صریحاً تعهد
ایتمش ایکن اوزماندن بروملك عثمانیك نه قدر کوچولتدیکی معلومدر . معاهداته
شرائط مساعده درج ایندیرمك برهنرسه اوشرائطك ذوالنی انتاج ایده جك
احواله میدان ویرمامك دها بیوك برهنردر . قریم محاربه سنده قزاندیغمز موقعك
ضیاعنده كندی سوء اداره مركز تأثیری اولمادیغنی ، برلین معاهده سی اوزاقدن
اوزاغه كندیغمز حاضرلمدیغمزى فصل ادعا ایده یلیرز؟ هله صوك زمانلرده ایش
كوج حکمدارله ملت اره سننده برباد برتفرقه ومخاصمه دن عبارت اولمشیدی .
ضعف خارجی بی تولید ایدن ضعف داخلیدر ، یوقسه متحد وکندی جرمنجه
قوی اولان برملت معتبره شان وشرقله یشار، یشایه یلیر . بلجیقاری، اسویچرملری
حتی موناقولری، آندورلری ، سان مارینولری بروجه استقلال یشاتان جامعه
عیسویتدن عبارت دکلدر، فضیلت سیاسیه ، فضیلت علمیه کی سبیلدر ، سیاست
عالی اکلامق حسن تدبیر واداره ایله حرکت ایتمکدر .

ابن الضیا

کركلر سومی

(بکن نسخه دن مابعد)

ممالك عثمانیه ده من القديم جاری اولان کركلر اصولنك تدقیقاتنه کیریشلمزدن
اول دولت عثمانیه نك منتهای کمالی عد اولنان قانونی سلطان سلیمان دورینه و آتی
تعاقب ایدن دور تدنییه قدر اولان احوال مملکتندن بحث ایتمك لازمه دن
کورلمشدر .